

ITLF BULLETIN

A Publication of ITLF Media & Publicity Department

VOLUME I/ISSUE NO 7

SUNDAY 14 MAY 2023

Public Consultation Neihna Hun Ah *State Demand Ding In Lemsakna Om*

Zan 13th May 2023 zinglam dak 11 am in YPA GHQ Hall, Hiangtam Lamka ah ITLF in i buaina uh toh kisai a kikupkhawmna hun Public Consultative Meeting nei hi. Hiai hun a mipi hall dim in paikhawm ua, sun nitum phial in kikupna hun zat in om hi.

Pu Letpu Haokip, President KIC in meeting moderator hihna len a, Panelist in Pu Shominthang DOUNGEL, Pu H. Mangchinkhup leh Pu T. Ginzamang te pang uhi. Rev Paumuanthang in patna thumna nei in, ITLF Chairman Pagin Haokip in Keynote Address pia hi.

Meeting agenda-te ITLF Secretary Muan Tawmbing in mipi mai ah pulakna nei hi:

1. Dead Bodies - Lamka leh Imphal
2. Political Demand
3. Status of Govt. Employees in Imphal Valley
4. Relief System
5. Properties
6. Others if any.

Agenda 01 - i misite uh Lamka hi leh Imphal lam a omte toh kisai bang loh hoih ding chih kikupna mipi lam leh panelist lam akipan hun bangtan hiam genkhawmna neih ahih nung in a nuai a bang in thupukna bawl ahi.

Mun tuamtuum a i misite identified bawl a puakkhiak ahi ding a, galdou lai i hih man un, misi toh omkhawm det hong hitheilou di ahih man in, i misite mun khat a vui khawm a khonung a "war cemetery" dan a i bawl uh hoih ding hi. Tutan Lamka polam a i misite ahihna uh theihchetlou tampi omlai ahihman in, akua akua in mahni insungmi kimlou om hiam chih kivelthak a, a kimlou i om leh kintak a ITLF Media Cell te theihsapah ding ahi. Huchi a misite identified i bawl khit vek chiang un, a omna district chiat a puaklut a, ITLF in misite vuina di hun leh mun thupukna a hon bawl chiang ua vuikhiakna hun neih ding in lem kisa hi.

Agenda 02 - Political Demand toh kisai in ITLF Secretary Muan Tawmbing in ITLF dinsan mipi mai ah pulakna nei a "Total Separation from Manipur with political status not less than UT" ahihdan genkhia hi. Huchi in Panelist lam leh mipi lam akipan ngaihdan hun bangtan hiam a kigen nung in thupukna hiai bang in lak in om hi.

Total separation from the Government of Manipur based on Article 3(A) which is Statehood.

Hiai toh kiton in Manipur government akipan compensation kua mah in laklouh ding, mimal leh pawl dang in government kiang a political demand ngetna tuam bawl louh ding in lemsak ahi.

Agenda 03 - Imphal phaizang a om Govt Employees te tungtang genkhawmna mipi lam leh panelist lam a kipan hun bangtan hiam neihzoh ahih nung in, a nuai a bang in thupukna bawl ahi.

I buaina uh gam leh lei thu ahih ban ah nam khat kithah chimitna (ethnic cleansing) ahih man in, Imphal a om Govt Employee te ni 3 sung a Imphal khopi hon nutsiat chiat ding ua thupiak bawl lemsak ahi.

Agenda 04 - Relief toh kisai in ITLF Relief Committee Convenor Pu Mangcha Thangzom in mipi mai ah i pai di dan uh leh pan akilakdan pulakna nei masa hi. Hun bangtan hiam mipi lam akipan genkhawm ahih nung in, a nuai a bang in thupukna bawl ahi.

ITLF Relief committee leh Consumer Club-te pangkhawm in Relief toh kisai leh damloute etkaina a pan hon lakhawm dia lemsak ahi.

Agenda 05 - Property toh kisai in tu dinmun a Imphal hi leh Lamka mun a inn leh loude ITLF in condition hoihtak a bawl ma, kua mah in claim bawl nailou phot ding in lemsak ahi.

Misc Agenda - Mi khenkhat akipan ITLF makaite vauna leh warning amuh uh toh kisai

gen khawmna om a, thuzuau leh rumours ziaak a heutute kua mah in vauna leh warning pelou ding in thusuah bawl lemsakna om hi.

Joint Women Organisation toh kisai genkhawmna om a, i movement uh a hatzawksemna ding in

ITLF nuai ah Joint Women Organisation a om lemsak ahi.

Pu Hauneilal Vaiphei, President VPC in kipahthu gen in, mipi in Toupa Thumna neikhawm in meeting zoh in om hi.

DATA COLLECTION

ITLF Media Cell in tutung i buaina ua si leh liam, biakinn kisusete, inn kisusete leh property kisusete data kaikhawm gige ahih man in, hiai toh kisai information nei ten ITLF Media Center te ah pekhawm ding in ngetna i bawl ahi. Data teng centralised uthuai ahih man in pawl tuamtuum in data i kaihkhawmte uh ITLF Media Center a pekhawm ding in ngetna leh theihsakna i bawl ahi.

ITLF Media Cell Contact Persons:

Ginza Vualzong - 882653229 | Chris HL Simte - 9862149327 | Gracy Haokip - 9366709593

THU TUAMTUAM

Mizoram akipan Damdoi 4 lakhs man hong tung

Zan in Mizoram akipan Indian Medical Association (IMA) Doctors te akipan damdoi lakhs 4 man District Hospital hong tung hi.

Finance Dinmun

Finance Department akipan update kimudan in tutan a panpihna sum hong lut ahih leh Rs 17,51,000 hi a, sum senna Rs 12,37,312 hi a, tu lel a balance om Rs 5,13,688 ahi.

NAMTA bawl khiak in om

North America Manipur Tribal Association (NAMTA) USA leh Canada a om singtangmite kipawlkhawmna bawlkhiak in om hi. Tu lel in i gamsung buaina panpihna kai khawm lellel uh.

Mi 130 Lamka pitung in om

DIPR akipat thutut kimu dan in zan in Imphal a Relief Camp tuamtuum akipan singtangmi 130 vel

Peace Ground, Tuibuong hong tung ua, Lamka akipan Meitei mi 10 te Imphal paisak hi uhi.

Vungzagin Valte dinmun hoih zek

Tutung i buaina ua Meiteiten Pu Vungzagin Valte, Thanlon MLA ana satliam uhi. Apollo Hospital, New Delhi a kikem lel a, zan hal in a biang plastic surgery bawlzoh in om hi. A dinmun neukha improve zek a, ventilator le lakhe ta ua, amah le Chair a tukhe theita chih a sungte akipan zak ahi. Himahleh amah bel mihoupihna dawngthei di dinmun a omnailou hi. Thumna ah phawktou zel ni.

ITLF Numei Hospital Duty Roster

ITLF Joint Women Organisation te panlakna in numei pawl in District Hospital a duty roster bawl uhi. Duty Roster a nam numei pawl tuamtuumte duty hun di bikhiah ua, huaite semkhe ding in nam heututen a numei pawlte hon sawl ding in ngetna bawl uhi.

RELIEF SUPPORT

Office: 1st Floor, CMC Admin Block

Contacts:

Mangcha Thangzom – 8837368373 (Convenor)
V. Gouthianmuan - 9862086583 (Co-Convenor)

FINANCIAL SUPPORT

Office: 1st Floor, CMC Admin Block

ITLF Joint Bank Account:

Name: Henkhopao Haokip & N. Vialkhanthang
Account No: 41912626404
IFSC: SBIN0064016 | Bank: SBI Salbung Branch

ITLF Media Centers

- ✓ 1st Floor, PTC GHQ Office, Hiangtam Lamka
- ✓ 1st Floor, KIC Office, Tuibuong